

Bosna i Hercegovina  
Federacija Bosne i  
Hercegovine  
Kanton Sarajevo  
Grad Sarajevo  
**OPĆINA CENTAR  
SARAJEVO**  
Općinski načelnik



Bosnia and Herzegovina  
Federation of Bosnia and  
Herzegovina  
Canton Sarajevo  
City of Sarajevo  
**CENTAR MUNICIPALITY**  
Municipal Mayor

Босна и Херцеговина  
Федерација Босне и  
Херцеговине  
Кантон Сарајево  
Град Сарајево  
**ОПШТИНА ЦЕНТАР  
САРАЈЕВО**  
Општински начелник

Broj: 10/E-11-7719/21  
Sarajevo, ~~19-08-2022~~ godine

Na osnovu člana 70. stav (1), (2), (3) i (6), člana 72. stav (3) Zakona o javnim nabavkama Bosne i Hercegovine ("Službeni glasnik BiH", br. 39/14) u daljem tekstu: Zakon, člana 69. Statuta Općine Centar Sarajevo – Prečišćeni tekst («Službene novine Kantona Sarajevo», br. 23/04), a na prijedlog Komisije za nabavku roba, usluga i radova II, imenovana Rješenjem Općinskog načelnika broj: 10-45-1840/22 od 22.02.2022.godine, i broj: 10-45-1840-1/22 od 24.03.2022.godine, (u daljem tekstu: Komisija II), u postupku provođenja postupka javne nabavke lož ulja za grijanje, putem konkurentskog zahtjeva za dostavu ponuda, uz primjenu e-aukcije (Zapisnik o pregledu i ocjeni ponuda broj: 10/E-11-7719 od ~~17-08-2022~~ godine), Opštinski načelnik,

d o n o s i:

**O D L U K U**  
**O IZBORU ČETVRTORANGIRANOG PONUĐAČA**  
**ZA NABAVKU LOŽ ULJA ZA GRIJANJE**

**I** Prihvata se ponuda četvrtorangiranog ponuđača „HIFA-PETROL“ d.o.o. Sarajevo, Ul. Hotonj bb, 71 320 Vogošća, broj: JN-6186/21 od 23.12.2021.godine u dijelu opisa robe i količine, za nabavku lož ulja za grijanje, putem konkurentskog zahtjeva za dostavu ponuda, sa umanjenom cijenom nakon uspješno provedene e-aukcije u ukupnom iznosu od **32.600,00 KM bez PDV-a, odnosno 38.142,00 KM sa PDV-om.**

**II** Ponuda ponuđača iz tačke I ove Odluke ocijenjena je prihvatljivom, jer ispunjava sve uslove postavljene tenderskom dokumentacijom.

**III** Ova Odluka stupa na snagu danom donošenja, a Odluka o izboru najpovoljnijeg ponuđača broj: 02-11-7719/21 od 19.01.2022.godine, stavlja se van snage i prestaje da važi.

**IV** Ova Odluka će biti objavljena na web-stranici Općine Centar, www.centar.ba, shodno članu 70. stav (6) Zakona o javnim nabavkama, istovremeno s upućivanjem iste svim ponuđačima koji su učestvovali u predmetnom postupku javne nabavke.

**O b r a z l o ž e n j e**

Postupak javne nabavke lož ulja za grijanje pokrenut je Posebnom odlukom Opštinskog načelnika o pokretanju postupka broj: 02-11-7719/21 od 14.12.2021.godine, putem konkurentskog zahtjeva za dostavu ponuda, uz primjenu e-aukcije. Procijenjena vrijednost javne nabavke iznosi bez PDV-a 34.000,00 KM.

Na prijedlog Komisije za nabavku roba, usluga i radova I, a nakon uspješno provedene e-aukcije prispjelih prihvatljivih ponuda („PETROL BH OIL COMPANY“ d.o.o. Sarajevo, „HIFA-PETROL“ d.o.o. Sarajevo, „GREEN OIL“ d.o.o. Sarajevo i „ALMY“ d.o.o. Zenica, dana 19.01.2022.godine donesena je Odluka o izboru najpovoljnijeg ponuđača „ALMY“ d.o.o. Zenica u ukupom iznosu od 31.504,00 KM (bez PDV-a).

U skladu sa članom 72. stav (1) Zakona o javnim nabavkama, izabranom ponuđaču je na potpis dostavljen prijedlog ugovora u skladu sa provedenim postupkom javne nabavke, kao i e-aukcije. Međutim, izabrani ponuđač se obratio pismenim zahtjevom o odustajanju od potpisa ugovora zbog povećanja cijena lož ulja na tržištu.

U skladu sa članom 72. stav (3) tačka c) Zakona o javnim nabavkama, Ugovorni organ je na osnovu rang liste, pismenim putem ponudio prijedlog ugovora na potpis drugorangiranom ponuđaču („PETROL BH OIL“ d.o.o. Sarajevo), koji nije iskazao interes za potpisivanje ugovora,

odnosno nije dostavio traženu pismenu saglasnost u ostavljenom roku. Ugovorni organ je u cilju realizacije predmetne nabavke, ponudio prijedlog ugovora na potpis trećerangiranom („GREEN OIL“ d.o.o. Sarajevo), koji takođe nije iskazao interes za potpisivanje ugovora, odnosno nije dostavio traženu pismenu saglasnost u ostavljenom roku. Nakon što su iscrpljeni svi pokušaji potpisivanja ugovora od prvorangiranog i dalje, Ugovorni organ je dostavio pismeni upit četvrtorangiranom („HIFA-PETROL“ d.o.o. Sarajevo) o iskazivanju interesa za potpisivanje ugovora. Ponuđač „HIFA-PETROL“ d.o.o. Sarajevo je dostavio pismenu saglasnost za potpisivanje ugovora za nabavku lož ulja za grijanje.

Komisija II je nakon detaljne analize ponude ponuđača „HIFA-PETROL“ d.o.o. Sarajevo, konstatovala da je ponuda navedenog ponuđača u prethodnoj evaluaciji ponuda, u potpunosti ispravna i prihvatljiva, odnosno ponuđač je dostavio sve zahtijevane dokaze tražene tenderskom dokumentacijom.

Iz naprijed navedenog, Komisija za nabavku roba, usluga i radova II, je jednoglasno donijela odluku da se Opštinskom načelniku dostavi:

### PREPORUKA O PRIHVATANJU PONUDE

četvrtorangiranog ponuđača „HIFA-PETROL“ d.o.o. Sarajevo za nabavku lož ulja za grijanje, u ukupnom iznosu **32.600,00 KM bez PDV-a, odnosno 38.142,00 KM sa PDV-om**, čija je cijena umanjena nakon provedene e-aukcije.

Nadalje, Opštinski načelnik u postupku ocjene nije našao razloge, niti nepravilnosti u radu Komisije koji bi eventualno bili osnov za neprihvatanje preporuke Komisije II, te je odlučeno kao u dispozitivu.

**Pouka o pravnom lijeku:** Protiv ove Odluke može se izjaviti žalba Uredu za razmatranje žalbi BiH, putem Ugovornog organa (Općine Centar Sarajevo, ul. Mis Irbina br. 1), najkasnije u roku od 5 (pet) dana od dana prijema ove Odluke shodno članu 101. Zakona.

Naknada za pokretanje žalbenog postupka iznosi 500,00 KM u skladu sa članom 108. stav (1) tačka a) Zakona. Žalba se podnosi u dovoljnom broju primjeraka, a koji ne može biti manji od tri.



Prilog: Zapisnik o pregledu i ocjeni ponuda  
br. 10/E-11-7719 od 17-08-2022 godine

#### Dostaviti:

1. „HIFA-PETROL“ d.o.o. Sarajevo
2. „PETROL BH OIL COMPANY“ d.o.o. Sarajevo
3. „GREEN OIL“ d.o.o. Sarajevo
4. „ALMY“ d.o.o. Zenica
5. Službi za zajedničke i tehničke poslove
6. Kabinetu općinskog načelnika - Odsjeku za javne nabavke
7. Službi za finansije
8. Evidenciji